

Här Fernand Etgen  
President vun der Deputéiertechamber  
19, um Krautmaart  
L-1728 Lëtzebuerg

Lëtzebuerg, den 13. Juli 2020


Här President,

Sou wéi d'Chambersreglement et virgesäit, bieden ech lech, dës parlamentaresch Fro un den Här Schoulminister weiderzeleeden.

En Édicateur, deen zu Lëtzebuerg seng Schoule gemaach huet, muss eng Berufszouloossung beim Schoulministère ufroen. Ech hunn e puer Froen zu dëser Prozedur, déi ech dem Här Minister heimat wéilt stellen:

1. Ass en Diplom vun enger Lëtzebuerger Schoul, respektiv en auslänneschen Diplom, deen hei am Land unerkannt ass, bei sozialpedagogesche Beruffer net Berufszouloossung genuch? Wéi justifiéiert sech déi zousätzlech Prozedur?
2. Fënnt den Här Minister et normal, datt e jonken Educateur, deen op den Aarbechtsmaart kënnt, muss 75 Euro bezuelen, fir duerfen ze schaffen? Ass et net denkbar, déi Zouloossung als Deel a logesch Konsequenz vum Lëtzebuerger Diplom gratis ze maachen?
3. Wéi eng aner Berufskategorien sinn enger ähnlecher Prozedur ënnerworfen?
4. Wéi eng Informatiounen aus dem Casier judiciaire ginn an dëser Zouloossungsprozedur berücksichtegt an op wéi eng Manéier?
5. D'Délaien, déi d'Verwaltung sech virbehält, fir d'Berufszouloossung auszustellen, leien tëscht zwou Wochen an dräi Méint. Ass dësen Délai vun dräi Méint net iwwerdriwwe laang, well en eventuell kann deene Betraffenen Schwieeregkeete bei der Sich no enger Aarbecht maachen? Wéi laang dauert fir gewéinlech dës Prozedur?

Mat déiwem Respekt,



Fernand Kartheiser  
Deputéierten